

Құрметті талапкерлер!

«Қазақстан халқына» Қоғамдық қоры (бұдан әрі - Қор) «Қазақстан халқына «Қоғамдық қорының білім беру гранттары» қайырымдылық бағдарламасын (бұдан әрі - Бағдарлама) іске асыру шеңберінде 2024-2025 оқу жылына арналған КеАҚ «С.Д. Асфендияров атындағы Қазақ ұлттық медицина университеті» жоғары білім беру бағдарламаларына түсетін талапкерлерді оқытуға **25 грант бөлінді**.

«Қазақстан халқына» Қоғамдық қорының білім беру гранттары ұлттық бірыңғай тестілеудің (бұдан әрі – грант) нәтижелері бойынша конкурстық негізде мынадай санаттардағы талапкерлерге беріледі:

- 1) ауылдық жерлердегі, шағын және моноқалалардағы аз қамтылған отбасылар;
- 2) жетім балалар немесе кәмелетке толғанға дейін ата-анасының қамқорлығынсыз қалған балалар;
- 3) мүгедектігі бар тұлғалар;
- 4) мүгедек балаларды тәрбиелеп отырған отбасылар;
- 5) 2022 жылғы қайғылы қаңтар оқиғалары кезінде қаза тапқан Қазақстан Республикасы азаматтарының балалары;
- 6) 2022 жылғы қайғылы қаңтар оқиғалары кезінде жараланған балалар;

Бағдарламаға қатысудың шекті жасы толық 29 жасты құрайды.

Екінші жоғары білім алушыларға грант алуға жол берілмейді.

Республикалық немесе жергілікті бюджет қаражаты есебінен «бакалавр» дәрежесін бере отырып, жоғары білім алуға ақы төлеу үшін мемлекеттік білім беру гранты берілген адамның грант алуына жол берілмейді.

Конкурсқа: **Медицина, Стоматология, Педиатрия, Мейірбике ісі, Қоғамдық денсаулық сақтау, Фармация, Медико-профилактикалық іс** білім беру бағдарламалары (ары қарай ББ) бойынша оқудың толық мерзіміне түсетін, **ҰБТ тапсырған** және оның нәтижелері бойынша кемінде **70 баллдан** кем емес үміткерлер жіберіледі. Бұл ретте ҰБТ-ның Қазақстан тарихы және екі бейіндік пәндері бойынша кемінде 5 балл, ал Оқу сауаттылығы мен Математикалық сауаттылықтан кемінде 3 балл алу қажет.

Медицина, Стоматология, Педиатрия, Мейірбике ісі, Медико-профилактикалық іс мамандықтарына түсушілер үшін тапсыру орнына қарамастан **арнайы емтиханға (психометриялық тестілеуге) «Өтті»** болуы қажет.

Конкурсқа қатысу үшін талапкер **1-17 тамыз** аралығында университеттің қабылдау комиссиясына келесі құжаттарды тапсырады:

- 1) 1-қосымшаға сәйкес өтініш;
- 2) Қосымшасы бар білімі туралы құжат (түпнұсқалар);

- 3) ҰБТ сертификаты (ағымдағы жылдың кез келген сертификаты);
- 4) Психометриялық тест хаттамасынан үзінді көшірме;
- 5) Жеке куәлік + көшірмелері (3 дана);
- 6) 075/у медициналық анықтамасы, рентген;
- 7) 3 x 4 см 6 фотосурет;
- 8) өтініш берушінің туу туралы куәлігі;
- 9) Кандидаттың "Қазақстан халқына «Қоғамдық қорының білім беру гранттары» қайырымдылық бағдарламасына қатысушы санатына жататынын растайтын құжаттар:

1. Ауылдық жердегі аз қамтылған отбасы балалары үшін:

Нотариустан куәландырған:

- ағымдағы жылға өзекті АӘК алушының анықтамасы (egov.kz);
- немесе кандидаттың тұрғылықты жері бойынша ауданның/қаланың/кенттің/ауылдың әкімдігінен/жұмыспен қамту орталығынан, отбасының әлеуметтік мәртебесі туралы (аз қамтылған отбасы), аудан/қала не кент/ауыл әкімі орынбасарынан төмен емес лауазымды адамның қолы қойылған анықтама;
- жалпы орта білім туралы аттестаттың көшірмесі (ауыл мектебі, шағын не моноқала мектептері).

2. Кәмелетке толғанға дейін жетім және ата-анасының қамқорлығынсыз қалған адамдар үшін:

Нотариустан куәландырған:

- екі немесе жалғыз ата-анасының қайтыс болуы туралы куәліктің көшірмесі немесе ата-анасының жоқтығын растайтын өзге де құжаттар (ата-ана құқықтарынан айыру туралы, шектеу туралы, хабар-ошарсыз кетті деп тану, оларды қайтыс болды деп жариялау, әрекетке қабілетсіз (әрекет қабілеті шектеулі) деп тану туралы сот шешімі);
- баланы патронаттық тәрбиелеуге беру туралы шарттың көшірмесі.

3. Мүмкіндігі шектеулі, оның ішінде мүгедектер үшін:

- нотариустан куәландырған ағымдағы жылға өзекті мүгедектігі туралы анықтамасының көшірмесі (медициналық-әлеуметтік сараптама);
- таңдалған білім беру бағдарламасы бойынша оқуға қарсы көрсетілімнің жоқтығы көрсетілген медициналық қорытынды (075/у медициналық анықтама).

4. Мүгедек балаларды тәрбиелеп отырған отбасылардан шыққан азаматтар:

Нотариустан куәландырған:

- өтініш берушінің туу туралы куәлігінің көшірмесі және отбасы мүшесі қатарындағы мүгедек баланың туу туралы куәлігінің көшірмесі (18 жасқа дейінгі мүгедек баламен туыстық байланысын (қандық) растайды);

- ағымдағы жылы нотариус куәландырған отбасындағы балалардың (18 жасқа дейінгі мүгедектігі бар баланың) мүгедектігі туралы өзекті анықтаманың көшірмесі.

5. 2022 жылғы қайғылы қаңтар оқиғалары кезінде қаза тапқан Қазақстан Республикасы азаматтарының балалары

- Қордан растау.

6. 2022 жылғы қайғылы қаңтар оқиғалары кезінде жараланған балалар

- Қордан растау.

Конкурстық іріктеу 2024 жылғы 20 тамызында өткізіледі.

Конкурс нәтижелері Университет сайтында орналастырылады (kazntmu.edu.kz).

Конкурстық комиссияның шешімі және барлық растайтын құжаттар «Қазақстан халқына» Қоғамдық Қорына **22 тамызға** дейін жіберіледі.

Грант берілетін талапкерлердің тізімін Қор Басқармасы бекітеді және Қордың сайтында 11 қыркүйекке дейін орналастырылады.

Барлық сұрақтар бойынша қабылдау комиссиясына телефондар арқылы хабарласуға болады: 8 727 338 70 27, +7 707 634 64 88.